



Kat. Komp.

43004

I

Mag. St. Dr.

P

Ackord Jos. Samuelis: De pneumo-
nia putrida. Dissertationis inaugu-
ralis medica. Regiomonti.
1791.

May 702

DE
PNEVMONIA PVTRIDA
DISSERTATIO INAVGVRALIS MEDICA

QVAM
ORDINIS MEDICI CONSENSV
PRAESIDE

CHR. FRID. ELSNER

MEDICINAE DOCTORE ET PROF. ORD. SECVND.
REG. COLLEGII MED. ET COLLEG. SANITAT.
MEMBRO, SOCIETATIS REG. MED. EDIN-
BVRG. SOCIO

DOCTORIS MEDICINAE GRADVM
ET PRIVILEGIA

RITE CAPESSITVRVS

DIE XI APRIL. MDCCXCI.

H. L. Q. S.

PVBLICE DEFENDET

IOSEPHVS SAMVEL ACKORD

WEISKIRCHA-POLONVS,

REGIOMONTI

TXPIS G. L. HARTVNGII, TXPOGR. REG. ET ACAD.

CONTRA HANC DISSERTATIONEM

ARGVMENTA OPPONENT

MEDICINAE CVLTORES

GVILIELM. FRID. SCHLEYER, LIVON.

DAVID IOACHIM FRIEDLAENDER, REGIOM.

43004

VIR

ILLVSTRI GENEROSISSIMO

ATQVE

EXPERIENTISSIMO

D. IOANNE A BOECLER

SACRAE REG. MAIESTATIS PRONIAE

ARCHIATRO ET CONSILIARIO INTIMO

ETC. ETC.

HANC

DISSERTATIONEM INAUGURALEM

DE SACRAM ESSE

TRIVIT

IOSEPHVS SAMVEL ACKORD.

Dectoris inflammationem, siue vt rectius dicam, partium, quae in thorace sub respiratione mouentur, medicorum recentiores a) bene Pⁿeumoni^am appellant, quo nomine morbi genus intelligunt, quod Pleuritidem, Peripneumoniam, et Pleuro-peripneumoniam cōplectitur; cui ex mea sententia etiam Diaphragmitis siue diaphragmatis inflammatio annumerari debet.

Cognoscitur autem Pneumonia generatim, febre, pectoris dolore constanti ac stabili, tussi et spirandi difficultate. Vbi enim pectoris dolor constans acutus latus fodere videtur, et respirationem molestam reddit, pulsusque durus ac febrilis, et tussis sicca est, Pleuritis vocatur. Vbi vero cum febre dolor obtusus pectus quasi comprimit, anxietas et tussis

a) BANG Praxis med. p. 169.

humida cum sputo primum sanguineo adest, Peripneumonia dicitur; si vero et dolor acutus in latere cum pulsu duro ac febrili, et tussis humida cum sreatu parum cruento animaduertitur, Pleuro-peripneumonia habetur; quod si denique praeter febrim dolor acutus circa costas inferiores et ad ultimas dorsi vertebrae usque pertinens inspiratione, tussi, urinae atque alui excretionem augetur, respiratio praeterea brevis sublimis atque tussis sicca est et singultus adsunt, diaphragmatis inflammatio siue Diaphragmitis censetur, ob delirium continuum, quod tamen subinde deest, Paraphrenitis plerumque nominata.

Haud parum tamen interest, febrem nosse, quae cum inflammatione iuncta esse solet. Haec enim non semper eiusdem originis, nec idem eius, quo accedit, tempus est. Interdum enim inflammatio et dolor febrim antegreditur, quae paulo post dolorem exortum consequitur; interdum vero febris primum exoritur, quam dolor et inflammatio excipit, plerumque tamen febris simul cum inflammatione accenditur. Hanc discrepantiam, quae medicos expertos haud fugere debet, bene iam notauerat RIVERIUS.^{b)}

Maioris autem momenti est indolem febris nosse aut statum febrilem cum inflammatione coniunctum.

^{b)} LAZAR. RIVERII Opera med. vniuers. T. II, Prax. med. Libr. VII. cap. 2. p. 258. et T. III. Libr. XVII. cap. I. p. 104.

Notum enim est, febrem, quae inflammationem comitatur, non semper puram ac solam esse inflammatoriam, quae potius interdum gastrica, subinde putrida ac maligna esse solet. Vt ad rem illustrandam notissima exempla adferam, neminem medicorum facile inter Anginae species illa fugit, quae ob statum putridum ac facillimam in gangraenam conuersionem putrida, siue maligna, siue gangraenosa vocatur; nemo nescit Ophthalmiam, quae ob sordes biliosas in primis viis latentes, biliosa vocatur. Par intercedit ratio cum Pneumonia. Equidem in hoc morbo febris utplurimum pura est inflammatoria, quae signis tum Pneumoniae propriis paulo superius allatis, tum status inflammatorii cognoscitur, calore nempe sicco aestuante, siti, facie rubra, excretionibus naturalibus retardatis. Optimus huius morbi, qui sanguinis missiones et methodum temperantem ac antiphlogisticam requirit, euentus est, quando resoluitur; longe infelicior, si suppuratio succedit; grauissimus autem eius gradus suffocatione utplurimum, interdum licet raro gangraena terminatur; quem posteriorem exitum funestum indicant, sputum nigrescens foetidum, subita doloris remissio, virium insignis iactura, pulsus parvus irregularis, tendinum subsultus, facies collapsa frigido sudore perfusa, artus frigidi sudore viscido madentes et in pectore strepitus. Sed non est, quod in praesenti Pneumonia

inflammatoriam vberius persequar, quippe quae notissima, tot tantisque medicorum scriptis pertractata est, ut eius mentio in nulla fere medicinae practicae epitome desideretur.

Sed non aequè perspecta fuit altera Pneumoniae species, quae ob biliosae materiae consortionem biliosa vocatur. Medici quidem attentè pleuritides atque peripneumonias animadverterunt, quae sanguinis detractio in deterius ruebant, vomitu autem sponte oborto, aut alui fluxu alleuabantur. Inter praecipuos, ne ad HIPPOCRATIS usque tempora descendam, nominandi mihi sunt BALLONIUS, c) SCHENK, d) BAGLIVVS, e) qui satis euidenter huius morbi mentionem fecerunt. E recentiorum vero numero, qui ab inflammatoria hanc probe disiunxerunt, TISSOT f) et STOLL g) praesertim debent laudari. Declarant autem hunc morbum signa Pneumoniae propria, nec minus, quae

c) BALLONII Oper. omn. Genui. 1762. T. I. Epidem. et Ephem. Libr. I. Constit. vern. 1575. p. III. 72.

d) SCHENK obseruat. med. Libr. VI. de variis pestilent. defluxionibus, Obseru. 5. p. m. 777.

e) BAGLIVI Oper. omnia. de prax. med. Libr. I. cap. 9. append. ad pleurit. p. m. 46. 47.

f) TISSOT Lettre a Mr. Zimmermann sur l'épidémie courante 1765.

g) STOLL rat. medend. P. I.

fordes biliosas in primis viis latentes patefaciunt; sapor nimirum amarus, halitus ingratus, lingua fordida, anxietas circa praecordia, tensionis et grauitatis sensus in ventriculo aut gastrodynia, ructus, nausea, vomendi conatus, biliosae materiae per os eiectio, diarrhoea parca cum crebriori desidendi cupiditate; aut genae rubrae et ambitus pallidus flauescens circa nasum et labia, sputum subviride et febris ipsa, quae subinde remittit, iterumque excandescit.

Est autem haec febris biliosa Pneumoniae adiuncta, aut inflammatoriae aut putridae indolis. Priorem morbum, qui vulgo biliosa pectoris inflammatio, aut rectius febris pneumonica biliosa inflammatoria vocatur, optime STOLL *b)* exposuisse inter omnes constat, qui huius viri meritissimi scripta ex industria peruoluntarunt. Hic etiam optime descriptae leguntur veteribus iam notae Pleuritides ac Peri-pneumoniae biliosae, quibus Catharrus aut Rheumatismus iungebatur. De altera pneumoniae biliosae specie, ubi febris ipsa vel ineunte morbo putridae indolis est, vel postea mala curatione putrida fit, plures scriptores fecere mentionem, e quorum numero praecipuos citasse sufficiat. Huc pertinet.

Inflammatio pectoris biliosa. TISSOT.^{c)}

b) Ibid. p. 3.

c) TISSOT Avis au Peuple, Chap. XX.

Peripneumonia typhodes. SAVVAGES *k*)

Spec. 5.

Peripneumonia putrida. Eiusd. *l*)

Spec. 2.

Pleuritis putrida. Eiusd. *m*) Spec. 8.

Peripneumonia putrida. QVARIN *n*)
quae biliosa est.

Licet e febrium putridarum classe frequentissimae quidem sint ac maxime epidemicae, quae ex caco-chylia in primis viis oriuntur, et ad remittentium ordinem pertinent, biliosae nimirum putridae dictae, attamen non vnicae haberi debent, praeter quas, vt clbr. BANGIO *o*) fere videntur haud aliae putridae existant. Datur enim febris magis continens, Synochus putrida, primaria, non ex caco-chylia orta, quae potius proxime a materia quadam suscitatur, quae humores inficit eosque ad putredinem pronos reddit. Ad haec illustranda Praef. Exc. sequentis morbi ab ipso visi historiam haud ita pridem in collegio casuali cum suis communicauit auditoribus, vt in ea diiudicanda periclitarentur.

k) SAVVAGES Nosolog. method. T. II. P. I. p. m. 499.

l) Ibid. p. 497.

m) Ibid. p. 455.

n) QVARIN de febribus et inflammat. commentat. p. 326.

o) BANGII Prax. med. p. 60. sq.

„Pneila XI. annorum bona valetudine adhuc ga-
uifa, forori natu minori, quae partis cuiusdam gan-
graena laborabat affidere, ac cum ea ob rem domi
angustam in eodem lectu decumbere cogeatur.
Post mortem fororis non bene se habet, ciborum
fastidio tentatur, morosa, lassâ et quasi defatigata est;
post aliquot dies frigore corripitur cum insequenti
aestu, capitis dolore, nausea exigua, lassitudine in-
signi; aestus continuat, post meridiem et circa ve-
speram genae magis rubent, tunc dormire videtur,
mane facies pallida vel potius lurida; aestus autem
parum remittit. Die IVto Praef. Exc. ad
morbum leuandum arcessitur. Lingua pura est,
nulli vomendi conatus, nec nausea; praecordia non
inflata sunt nec tensa; pulsus celer, contractus, du-
riusculus, cutis arida, scabra, calor mordax admo-
dum vrit; sitis vero hand insignis, sed magna debi-
litas et veternus. Hunc in modum morbus progre-
ditur, aluus sponte exoneratur, excreta valde foe-
tida parum cohaerent; de die in diem fit virium ia-
ctura maior, tendinum subsultus percipiuntur; circa
diem X. in cute maculae apparent paruae rubrae,
morsum pulicem aequantes. Aegriota valde imori-
gera medicinam auersatur.”

Ex enarrata historia facili negotio colligitur,
hanc febrem putridam, quam Praef. Exc. dato
primum emetico, dein antisepticiis potionibus nempe

spiritu vitrioli acidulis, et addito vino analepticis, mixturis ex spiritu Mindereri et aqua benedicta Rulandi diaphoreticis, decocto corticis Peruuiani cum acidis mixto et epispasticis externe applicatis, felici cum successu remouit, non deuteropathicam ex primarum viarum ca ochylia ortam, sed potius protopathicam siue primariam a mephitide ex parte gangraenosa fororis exhalante, et inspiratione ac resorptione humoribus admixta fuisse profectam.

Quod si igitur cum eiusmodi statu putrido, humoribusque ad putredinem propensis, pectoris inflammatio simul incidit, Pneumonia putrida, de qua mihi inprimis sermo est, oritur. Hanc vero non coniectura tantummodo adsecutam, aut theoria et uti BANGIO p) videtur, litteratorum distinctione excogitam, sed reapse quandoque in aegrotis ea decumbentibus esse repertam. inter alia praeclarae docent observationes egregii HUXHAM de huius morbi historia optime meriti.

Notauit enim Vir eximius q) Mense Aprili, Maio et Iunio Anni 1740 peripneumonias praecipue inter nautas quorum sanguis e vena detractus parum erat glutinosus magis putridus, liuidus quasi et ater,

p) Ibid. p. 181. sed miror, eundem auctorem paulo supra p. 70. febrem putridam cum pleuritide iunctam bene exposuisse.

q) HUXHAM Oper. phys. med. T. I. p. 231. sq.

plerumque nimium solutus. His caput vehementius dorfumque dolebant, praecordia maxime premebantur, aegroti vel cruda vel prorsus faniosa exspuebant, maculae nigrae liuidae fuscae superueniebant, phrenitis effera ac per saepe angina quaedam ulcerosa accedebat; qui morbus, aegrotos dira anxietate iactatos, saepe perpauca intra dies, more quasi paraphrenitidis imo haud raro hepatitide correptos, iugulabat. Eodem tempore febris putrida petechialis inter nautas praesertim saeuiebat.

Idem Mense Decembri 1745 peripneumonias putridas periculosas *) animaduertit, quae ob anni tempus atrabiliariae originis fuisse videntur, quasque idcirco peripneumonias spurias putridae indolis forsitan vocares. Immensa fuit pectoris grauitas, et spirandi difficultas magna, tussis haud levis, multus in pectore strepitus; vix venae sectionem morbus admittit; accedebant enim inde debilitas maxima, sputi suppressio, anxietas grauissima, vigiliae perpetuae, mox delirium, tremores, frigidi sudores, tandemque nimis frequenter mors inopinata, saepe inter gemitus et colloquia. Sanguis semper nimium fuit solutus, vrina varia; lingua atro veluti mucro oblita, vel sicca admodum et prae rubra, saepe tamen glabra, valde liuescens et splendida quasi et aridissima cum bulla nigra interdum ad linguae apicem; haec signa possi-

*) Ibid. p. 324.

fera et funesta suere; potissimum si saniosa et valde foetida sputamina eiiciebantur. Sed etiam eo ipso tempore febris quaedam putrida atrabiliariae ut videtur originis grassabatur.

Eadem fere mali moris peripneumonia s) Mense Ianuario anni insequentis late vagabatur, cum spirandi difficultate et anxietate maxima, dolore in inopectore atque tussicula perpetua, perpauca saepe exantlante saepe saniosa prorsus, quae post tres quatuorue dies, viribus interim summopere depressis in malignam nervosam aut petechialem degenerabat. Dominabatur morbus mense Februario et Martio, pluresque opprimebat. Sed cum aegroti, narrante HVXHAMIO t) biliosa interdum exspuerent, et febris diarrhoea critica haud raro solueretur, forsan biliosis putridis eam adnumerares.

Ad pneumoniam putridam etiam referenda esse videtur peripneumonia pestifera SCHENK, u) a SAUVAGES v) maligna dicta (Spec. 4) quam FRACASTORIUM in sua Syphilidite sequentibus cecidisse SCHENK w) meminit.

s) Ibid. p. 332.

t) Ibid. p. 333. sp.

u) SCHENK Obseruat. med. Libr. VI. l. c. Obseruat. 2. p. nr. 774.

v) SAUVAGES Nosol. meth. T. II. P. I. p. m. 498.

w) SCHENK l. c. p. 775.

„Insolita exarsit febris quae pectore anhelo

„Sanguinem sputum exagitans (miserabile visu)

„Quarta luce frequens fato perdebat acerbo.”

Hacc anno 1348 vniuersum orbem immani ferocia adeo deuastasse dicitur, vt si GALLO et SCHENK credamus, mortalium decimam partem vix superstitem reliquerit. Primo autem epidemiae tempore magis inflammatoriae dein putridae indolis fuisse videtur. „Primis duobus enim mensibus febre indefinente aegroti sanguinem exspuerunt ac vehementi anhelitus difficultate laborarunt, secundum situm aliquem iacere minime poterant, sedere vero assidue cogebantur; tanta erat anhelandi impotentia, qua bibere et cibum ingerere vix poterant. Infra tres dies occidebat. Prostrati hinc inde ducebant corpora, vehementi rubore splendebant genae, tussis valida inprimis sine sanguinis sputo eos cruciabat, deinde paulo post paucum sanguinis sputum, postmodum ex tussi maior sanguinis quantitas exspuebatur; pulsus erat dissimilis. Post hos autem duos menses, febre indefinente, cum sanguinis sputamine, exanthematibus et abscessibus extima occupantibus, breui aut infra quintum diem omnes fere interimebat.” (morbus.)

His praemissis meum est morbi narrare historiam, quae optime ex locis dispersis operum HUXHAMII x) conquiritur, quem auctorem etiam STEVENS y) atque HOME z) secuti sunt.

Inuadit morbus praesertim nautas post longa itinera et scorbuto insigni adfectos, qui difficulter et breuibus interuallis spiritum trahunt, languescunt et leuissimo motu debilitantur. Incipit vagis horroribus, aestu et totius corporis dolore. Febris succedit cum magno praecordiorum pondere, tussi breui importuna sicca, pulsu celeri, tenui, molli, sudoribus viscidis inaequalibus, et perpetua inquietudine et anxietate. Post duos tresque dies cum tussi, tenuis, glutinosa, cruenta, liuida saniei similis, aut obscurioris coloris fecibus vini rubri aequalis, interdum nigrior, frequenter insensibilis odoris materia excreatur. Insignis adest debilitas, et calor mordax. Sanguis, qui ob sputum cruentum forsan e vena detrahitur, resolutus est, et crassamentum eius laxum ac tenue, serum turbidum, rubicundum. Quinto aut sexto die plerumque rubrae castanei coloris, liuidae

x) HUXHAM Oper. phys. med. T. I. p. 231. sq. p. 324. sq. p. 333. T. II. p. 63. sq. 170. sq. 190. sq.

y) STEVENS practical Treatise on Fevers. Vid. Comm. de rebus in scient. nat. et med. gest. Vol. X. p. 691.

z) HOME principia med. p. 127.

at nigrae petechiae erumpunt. Urina varia est, interdum pauca, obscure nigri vel ignei coloris, sanguine quasi remixti, absque sedimento, interdum cum larga liuida hypostasi, nonnunquam in ea fursuri similis materia hinc illincque dispersa cernitur. Virium iactura maior fit, interdum animi ad minimum motum deliquium. Sudor partialis praesertim faciem et caput obsidet. Lingua nigra est ac squalida et aphthae nigrae in illa apparent; dentes crassis et obscuris fordibus obducuntur. Die sexto vel septimo interdum sanguis e naribus fluit aut alius cruenta deiicitur. Strepitus in pectore et spirandi difficultas, deliria, sopor, accedunt et instante mortis tempore, sudor valde profusus et colliquatiuus. Vbi vero euentus felicior est, post diem octauum ut plurimum sequitur crisis saepius imperfecta et metastatica; fauste enim pustulae vrentes prurientes et furunculi in nucha, humeris et brachiis, inprimis autem circa nasum et labia erumpunt; perfecta vero crisis largo simul ac foetido sudore et urina crassa absoluitur.

Ex hac morbi historia haud difficile eruuntur, quae ad eius diagnosin faciunt. Nam praeter febrem, dolorem constantem pectus quasi comprimentem, spirandi difficultatem, anxietatem, pulsum tenuem, mollem, tussim humidam, scretum sanguineum, quae peripneumoniae sunt signa, alia

non deficiunt, quae statum putridum indicant, debilitas nempe et virium iactura insignis, calor mordax, sudores profusi, sputum nigrum foetidum, petechiae rubrae vel liuidae, narium haemorrhagia, et alui fluxus cruentus, dysenterodes; quibus signis quoque hunc morbum ab aliis ei fere consimilibus dignoscimus.

Differt enim in eo a grauiori pneumonia inflammatoria, (p. 3.) quae in gangraenam exiit, quod status inflammatorius magis manifestus, calor nimirum aestuans, anxietas summa, halitus oris calidus, sputa pauca, faciei rubor vel liuor praecesserint;

a biliosa putrida, (p. 5.) quod nulla signa cacochyliae siue fordium primas vias instantium adsint.

Inuadit autem hic morbus, qui mali sunt corporis habitus, succisque scatent cacochymicis, inprimis, qui mare nauigantes crudo salsoque victu putridoque potu vsi, scorbutum sibi contraxerunt, vel qui carceribus detenti aerem impurum inspirarunt. In variolis praesertim confluentibus sub stadio supurationis, febris putridae accidentali superuenit quandoque pneumonia, quae putrida habenda est.

In his vero aegrotis sanguinis pars rubra dissoluta, tenuior, vasa sanguinea minora pulmonum, aut partium, quae sub respiratione mouentur, stimulo

quodam praegressio intrat, quo facto inflammatio et cum ea simul febris excitatur, quae ob humorum conditionem putridae est indolis. Sed morbi Aetiologyam, de qua alii forsan secus sentiunt, mittamus, qui potius, quae ad prognosin et morbi medicationem faciunt, exponere molimur.

Quo maior enim status putridus, virium iactura insignis, delirium mite aut coma vigil, et petechiae accedunt, eo maius periculum imminet. Quo magis dissoluta, nigrescens, fanii similis foetida percreatum reiiicitur materia, eo peior et periculosior morbus censetur: petechiae et aphthae, nigri aut caestanei coloris, alui fluxus cruentus, sudores effusi, viribus interea magis decreascentibus, strepitus in pectore et sopor, funestum euentum praenuntiant.

In singulis tamen aegrotis, pro corporum diversitate et causarum concursu, morbum variam prae se ferre formam, bene notandum est. Sunt enim, in quibus ineunte morbo status inflammatorius putrido eminentior est; sunt notante HUXHAMIO, a) ubi aut phrenitis superuenit, aut anginae ulcerosae quaedam species, iungitur; dantur, ubi primae viae a fordibus pravis haud sunt vacuae; et quis omnes morbi formas vario modo differentes, recensere sustinebit. In his vero diiudicandis acris iudicio sane

a) HUXHAM l. c. p. 232.

medico opus est, vt secundum febris flatum, qui alii praeualet, diagnosin ac prognosin formet, et curam adhibeat.

Permulta itaque in curatione sunt circumspicienda. Sanguinis enim detractio, quam grauitas pectus quasi comprimens, anxietas et sputum sanguineum postulare videtur, haud instituenda est, nisi in morbi principio et vbi status inflammatorius putridum vi superat; certe a repetita venaesectione abstinendum est, quam etiam prohibet praua sanguinis conditio, cruor resolutus, crassamentum tenue, serum multum turbidum. Mirum est, quantum post vnicam sanguinis missionem, licet necessaria videatur, vires diminuuntur, vt lypothymia, sudores frigidi sequantur, et arteriarum pulsus intermittat. Egregius HUXHAM, *b)* quando dubius animo haerebat, num sanguinem ex vena incisa detraheret, scarificationem et cucurbitulas, interdum cum successu applicabat, attamen vno alteroue in casu, effusionem e cute concisa insequentem obseruauit, quae nullo modo cohiberi potuit, et ad mortem vsque continuauit.

Nec emetica atque purgantia huic morbo conueniunt; quam ob rem bene a biliosa putrida (p. 5. 14.) distingui debet, quae praemissis praemit-

b) L. c. T. II. p. 191.

tendis probe fert euacuantia, eaque desiderat. Veficatoria STEVENS, HOME atque ipse HUXHAM c) damnant, quae tamen in morbi initio tanquam irritantia et rubefacientia, si modo suppuratio euitetur, Praef. Exc. experientia edoctus applicari iubet; quando vero morbo progrediente, petechiae nariumque haemorrhagia, de maiori sanguinis resolutione testantur, damnosa esse existimat. Veficatoria cum Camphora probe mixta Clbr. SELLE d) quoque commendat.

Caeterum eadem fere curatio, qua in febre putrida utimur, methodusque antiseptica adhibenda est, quae perficitur morbi initio acidis vegetabilibus, succo Citri, Aurantiorum, aceto, oxymelle simplici, syrupo Berberum, Ribium etc. dein ingrauescente morbo, acidis mineralibus, spiritu Vitrioli, elixirio acido Halleri, elix. acido Vitrioli, quae inprimis potulentis et decoctis pectoralibus admiscentur. Praeterea acida mineralia diluta e. gr. tinctura flor. papau. Rhoead. inordinatum tenuis cruenti ichoris defluxum temperant.

Vbi vero in morbi principio sputa sint glutinosa, ex]resoluentium classe sal Ammoniacum et vi-

c) L. c. T. I. p. 333. et T. II. p. 193.

d) SELLE Med, clin, p. 76.

num antimonii Huxhami, aut aqua benedicta Rulandi conueniunt, quae cum aqua quadam destillata Chamomillae aut Foeniculi et oxymelle simplici, aut pro re nata, squillitico, mixturam resoluentem constituunt. Ad sputum promouendum, si in trachea stridor insignis et spirandi difficultas adest, oxymel squilliticum cum aqua Cinnamomi mixtum Huxham e) adhibet; alii decoctum radicis Senegae commendant. Vapores quoque calidi ex herbis resoluentibus cum aqua et oxymelle simplici infusis, ad pulmones spiritu duci possunt. Tussis vero, quando importuna et violenta fit, paregorico quodam comescenda est, quem in finem Angli elixirio asthmatico aut paregorico circa noctem vtuntur.

Morbo progrediente mox ad antiseptica roborantia, Lichenem Islandicum nempe et Corticem Peruvianum confugiendum est, quorum decoctionem sal Ammoniacum et oxymel simplex intrare potest, cui si sudor promoueri debet, spiritus Mindereri addatur. Ad sudorem mouendum viresque erigendas bene, etiam faciunt camphorata, quae vt magis antiseptica fiant, acidis miscentur, e. gr. solutio Camphorae acida Locheri, aut mixtura, quam Huxham laudat, Acetum nempe vini cam-

e) Huxham. l. c. T. II. p. 192.

phora saturatum cum roob Sambuci et Rubi Idaei syrupo, de qua cochlear vnum alterumue interdum exhibendum est.

Maximi in curatione momenti est, vt vires sustententur analepticiis et vinosis, quae potentis addi et cum acidis mineralibus commisceri possunt. Vino et aqua cum succo Aurantiorum vel limonum calide hausto, exscreationem, si deficit, promouere HVXHAM docet. Cibis quoque vinum addatur. Diaetam, quae generatim analeptica et antiseptica esse debet, bene HVXHAM *f*) praescripsit. „Sagu, panata, cornu cerui gelatina, poma tosta, decocti hordei cremor, aut auena decorticata, cum pauco vino et limonum succo parca copia sed saepius data, ad aegrotum sustinendum sunt necessaria; fraga, rubi fructus, ribesia et cerasa interdum cum succu concedi possunt. Certe in eo, vt conuenienti ratione vires aegroti conseruentur, et tempus pro rogetur, donec humorum acrimonia correctata et pulmones a putrida exonerati sint colluue, cardo rei verti videtur; in fine ad minimum omnia a bene praescripta dependent diaeta; vbi panis tostus et vinum rubrum portugalenae aqua dilutum, (poma) cocta cum corticibus aurantiorum, macis aut cinna-

momo beneque acidulata miram praestant vtilitatem."

Lubenter coronidis loco aliquot huius morbi enarrationes ex FORESTO *g)* ac LANCISIO *h)* collectas, et obseruationes, quas acceptas Praesidi Exc. refero, addidissim, nisi tempus ad dissertationem typis exprimendam admodum breue, variique typographi labores votis obstitissent.

g) FORESTI Obseruat. med. et chirurg. Libr. I. Obseru. XVI. Vid. Opera omn. T. I. p. 21.

h) LANCISII Opera omn. Vol. I. Dissert. de Romani Coeli qualitat. ib. et Epidem. Rom. Cap. VI. p. m. 155.

BIBLIOTECA UNIV.



UNIVERSITATIS

Biblioteka Jagiellońska



stdr0024030

